

內戚外親永獲平康之運稽首皈依虔誠讚

顯德昭利享愛廣成安民濟物素德推仁
若有投懇修奉安寧虔誠奉請五福來并

諷經 向來 回向

五顯靈觀大帝燈儀終

二燈儀同卷

土司燈儀

東廚司命燈儀

為四

土司燈儀

法事如式

伏聞一元初判二炁攸分幹四序以成功莫
八方而定位仰布經躡之次俯均分野之私
有生成賴於洪鈞無物不資於大造惟人之
貴實位平中凡居起處之間悉荷乾坤之賜
重嗟庸昧動積過愆自離穴處以巢居作於
上棟而下宇鑿東運土肆興作犯於方隅架
拱飛梁每有悞干於禁忌或日時之不利適
年月之未宜謀非龜筮之徒辭用師巫之矯
較於幽顯盡屬愆尤而況太歲尊神土司禁
忌總權禍福經制方隅隨六甲以遷移屬七
星而幹運凡居造作致犯方隅賴其教有金
科經存玉軸昧之者災與吉散修之者禍滅
福生以今某人爰於住舍造作不時動土役

工實有悞干於禁忌塔基闕址寧無冒犯於
天星謹擇良辰恭修淨供經開雲篆祈積慶
以潛消科演琅函迎眾具之來格伏望為祥
為瑞集百福於門闌無害無災殄千殃於眷
屬祛余寇盜悉滅火殃稽首歸依虔誠讚詠

巨眾等志心歸命東方震宮大聖三綠星
君

伏聞震乃三陽之首位居四序之端在八卦
以為先處六甲而為長能甲能折今庶物之
蕃鮮以懼以競使兆民而修省資興造化垂
象發生凡有修營慮多觸犯以今某人備嚴
醮典首謝真靈謹依科式建立星壇備香花
供養之儀至心歸命東方震宮大聖三綠星
君伏願具仙降佑眾聖垂慈獨消作犯之愆
尤由賜休祥之慶瑞門庭肅穆長幼諧和祈
壽算以彌昌增福基而永固稽首歸依虔誠
讚詠
大道著明寂默玄真五斗中運五行生成
北都萬鬼過人年齡我有神章度世長存
供養尊禮主人精神玄之又玄嵯峨玉京

消除災障 道炁長存

臣眾等志心歸命南方巽宮四碧星君
伏以巽為申命太乙司神位處東南宮居四
碧主群萌之節序致萬物之潔齊凡有修營
豈無于犯以今某人備嚴醮典首謝真靈謹

依科式建立星壇備香花供養之儀志心歸
命東南方巽宮四碧星君伏願神光燭昧惠
炬舒明鑿今辰祈禱之誠滌往日修營之過
寇攘之害永息於家庭焚燎之憂不生於戶
牖門中眷屬普錫純禧凡所施為吉無不利

稽首歸依虔誠讚詠

巽宮大聖 真宰諸司 天罡太一 雷電百神
吹颺厄禍 鎮滅妖精 施行造化 滋育含生
綿綿錫祉 永永來臻 無極無上 金闕玉京
消諸災障 願得長生

臣眾等志心歸命南方離宮九紫星君

伏以化成天下罔非中正之功揭照多方罔
得繼明之象使萬物之相見以位處於南方
應在兩儀之中俱被照臨之德凡居住舍違
犯過多今辰祝燈弟子某人備嚴醮典首謝

真靈謹依科式建立壇場備香花供養之儀
志心歸命南方離宮九紫星君伏願鑒茲丹
悃特降仙儀消除不測之災賜以無窮之祉
九橫不臨於眷屬千祥茂集於門闈火盜潛
消貨財增益稽首歸依虔誠讚詠

葵感大聖 九紫星君 炎光散世 符呪普臻
柳星經制 翼軫司存 丙丁樞籍 火德潛奔
留恩降福 善慶來并 上極無上 玄都玉京
消除災障 願得長生

臣眾等志心歸命西南方坤宮二黑星君

伏以幹運坤宮恢弘地道承天教法含物化
光秉后德而載物無疆體四時而尊生不已
宮當二黑位次西南凡有修營豈無干犯以
今某人備嚴醮典首謝真靈謹依科式建立
壇場備香花供養之儀志心歸命西南方坤

宮二黑星君伏願廣惠仁慈普施陰德削愆
尤於黑簿注福壽於丹青永消坎壻之災常
履平康之慶千真護佑萬聖扶持稽首歸依
虔誠讚詠

坤元后德 弘降無垠 承天行道 顯德化生

自然恩惠 育養人民 無遠無墜 乃利乃貞
驅除妖魅 賜福安寧 上極無上 大羅玉京
消除災障 願得長生

臣眾等志心歸命西方兌宮大聖七赤星
君

伏以七炁素宮金天允位肅嚴萬物利其民
而應其時慈愍群生顯其德而助其化凡夫
迷謬過咎惟多冒犯威靈豈知懺謝以今某
人備嚴醮典首謝真靈謹依科式建立星壇
備香花供養之儀志心歸命西方兌宮大聖
七赤星君伏願留恩降福却禍除災憫物好
生冀永消於罪咎承休蒙惠錫蕃衍於祺祥
眷屬咸寧門闈有慶稽首歸依虔誠讚詠

虛明沖寂 以道為根 上極無上 紫微帝君
真中有靈 玄經正神 森羅大緯 各有糾分
昭明威令 總領人身 巨名終始 太皇高真
無上之上 大羅玉京 消除災障 道炁長存
臣眾等志心歸命西北方乾宮大聖六白
星君

伏以功全四海義主三綱出庶物以為君見

群龍而為首蓋以剛健中正故能保合太和使萬物各遂其生無一夫不被其化爰居住守慮犯神司非悔過以陳愆曷變災而為福以今某人備嚴醮典首謝真靈謹依科式建立星壇備香花供養之儀志心歸命西北方乾宮大聖六白星君伏願天德寬洪神司洞照行藏有利動止無危災與障而俱消福與祿而共永子孫蕃衍常沾丹桂之榮眷屬雍和同保大椿之算稽首歸依虔誠讚誦

乾乾始先 赫赫威光 洞照天下 育物時康

一炁推運 萬物禎祥 神光震攝 妖孽俱亡 陽精明曜 掃蕩災殃 至真扶衛 上昇玉堂 消除災障 道炁長存

巨象等志心歸命北方坎宮大聖一白星君

伏以德潤至廣百川所宗性蘊三能功涵七善其為卦也萬物之所歸其為斗也眾星之所拱津而為水疑而為水濯萬物之昏蒙離羣生之塵垢凡與住守冒犯斯方悔過虔恭變災為福以今某人備嚴醮典首謝真靈謹

依科式建立星壇備香花供養之儀志心歸命北方坎宮大聖一白星君伏願一德淵澄千秋洗滌福祿保綿長之祉壽齡增延永之期水陸安寧行藏叶吉稽首歸依虔誠讚誦

北辰宗極 大聖通靈 濟度厄難 超出群生

若有所告 修奉安寧 咸生百福 衛護萬民 生生快樂 世世心清 具仙保舉 上昇玉京 消除災障 道炁長存

巨象等志心歸命東方艮宮大聖八白星君

伏以成終成始階施造化之功時止時行宏顯歸藏之用司權否泰主掌與衰位次三陽宮居八白工既興於土木咎恐犯於方隅實慮過愆用祈禳謝以今某人備嚴醮典首謝真靈謹依科式建立星壇備香花供養之儀

志心歸命東方艮宮大聖八白星君伏願碧穹至聖紫府元君洪恩廣布於門庭巨澤遍施於宗族更承道蔭永賴祈懷稽首歸依虔誠讚誦

良宮大聖 青帝尊神 首權威柄 道炁發生

與雷與雨存善存真舒揚造化滌蕩妖氛綿綿景福永永駢臻璇璣無礙上昇玉京消除災障道炁長存

巨象等志心歸命中宮大聖五黃星君

伏以覆載含靈德素沖於后土生成稼穡仁實仰於中央在五事則為恩於五常則為信故能包含萬象長育群生凡有修營豈無干犯以今某人備嚴醮典首謝真靈謹依科式建立星壇備香花供養之儀志心歸命中宮大聖五黃星君伏願九壘至真中宮主宰降善降祥回吉於八方之內消災消難留恩於九域之中茂育田蕞祛除火盜稽首歸依虔誠讚誦

惟德中央 總領四方 提攝萬象 罔越紀綱 賞善罰惡 琅函玉章 埋藏鬼賊 摧斬鋒芒 度世無量 名昭彼蒼 供養尊禮 掃除不祥 消除災障 道炁長存

諷經 向來 回向

土司燈儀終